

„Su schwätze mir“

Dä Pidder gieht!

Dat Narrescheff well ä verlohße,
wie gruß en onserer Zeidung stieht -
on iwwerahl off Plätz on Stroßße,
verzeehl mer sich „Dä Pidder gieht“!

Trotzdämm bleift ä en onserer Mette
verläßt jo nur der „Gruße“ Thron,
gieht stolz als „Dommermuth dä Drette“
jetzt altersmäßisch en Pension.

Em Stelle wierd ä weiter mache
beim Narrevolk - nur ohne Streß!
Ä brengt ons secher noch zom Lache -
em Rohestand - dat es geweß.

Humor em Herz doht emmer ranke,
Humor - läßt nie em Leewe noh -
on setzt e bies Geschick imm Schranke,
dann es ä plötzlich widder do!

Drom hat mich och dat Zeidungsfoto
vom Pidder häit su amüsiert!

Dä lacht, als hätt' ä grad eim Lotto
en schwere „Knubbe“ Geld kassiert.

Su kann dä Pidder lache, strahle,
su kennt mer inn von Haus zo Haus.
Humor - dä es net zo bezahle!

Ons Dankescheen - Applaus, Applaus!!!
Katharina Schaaf

22. 5. 1991 Katharina Schaaf
Peter Dommermuth gewidmet